



REPUBLIKA E SHQIPËRISË
KUVENDI

PROJEKTLIGJ

Nr.____/2018

**PËR
DISA NDRYSHIME DHE SHTESA NË LIGJIN NR. 9616, DATË 27.9.2006 "PËR LIBRIN
NË REPUBLIKËN E SHQIPËRISË"**

Në mbështetje të neneve 78 dhe 83, pika 1, të Kushtetutës, me propozimin e Këshillit të Ministrave,

KUVENDI I REPUBLIKËS SË SHQIPËRISË

V E N D O S I:

Ne ligjin nr. 9616, date 27.09.2006 "*Për librin në Republikën e Shqipërisë*", i ndryshuar bëhen shtesat dhe ndryshimet, si më poshtë vijon:

Neni 1

Në pikën 1, të nenit 1, pas fjalës "*...përhapjen,*" shtohet fjala "*leximin..*"

Neni 2

Në nenin 2 bëhen ndryshimet si më poshtë:

1. Në paragrafin e parë, të nenit 2, pas fjalës "*..përhapjes,*" shtohet fjala "*leximit..*"
2. Pas paragrafit të dytë, shtohet paragrafi i tretë dhe i katërt me përmbajtje si më poshtë:

"Në këtë ligj përcaktohen të drejtat e detyrimet e subjekteve ndërvepruese që kanë për objekt veprimtarie librin dhe produkte të përafërta me librin."

"Ky ligj, krijon kushtet për botimin e librave të autorëve në fushën e letërsisë dhe shkencave shoqërore, përkthime të autorëve shqiptarë në gjuhë të huaj dhe anasjellas, bashkëpunimin ndërkombëtar në fushën e librit, festivaleve, panairove dhe ngjarjeve letrare, zhvillimin e rrjetit

libror, zhvillimin e kulturës së leximit, promovimin e librit, autorëve dhe leximin, koordinimin e të gjitha lidhjeve në zinxhirin e politikave të librit, trajnimin shtesë profesional dhe të specializuar në fushën e librit, të drejtën e huadhënies publike sipas përcaktimeve të legjislacionit në fuqi për të drejtën e autorit dhe digjitalizimin në fushën e librave.”.

Neni 3

Në nenin 3 bëhen shtesat dhe ndryshimet e mëposhtme:

1. Në pikën 1, pas togfjalëshit “...e shtypshkruar me një titull,” shtohet fjala “e materializuar...”
2. Në pikën 2, pas fjalës “ .. për fëmijë,” hiqet togfjalëshi “...dëftuesit e hekurudhave ose të rrugëve detare, repertorët, që përmbajnë vetëm të dhëna numerike, repertorët alfabetikë” dhe pas fjalës “..e një kënge,” hiqet togfjalëshi “fletoret e muzikës për detyra,”
3. Në pikën 5 togfjalëshi “...106 të ligjit nr.9380, datë 28.4.2005 “Për të drejtën e autorit dhe të drejtat e tjera të lidhura me të.” zëvendësohen me togfjalëshin “...127 të ligjit nr.35/2016, date 31.03.2016 “Per të drejtat e autorit dhe të drejtat e tjera të lidhura me to.”.
4. Në pikën 8, fjala “shitjes” zëvendësohet me fjalën “tregtimin”.

Neni 4

Titulli i emërimit të Kreut III “**KËSHILLI KOMBËTAR I LIBRIT DHE I NXITJES SË LEXIMIT**” zëvendësohet me togfjalëshin “**ORGANET KËSHILLIMORE DHE INSTITUCIONET NË FUSHËN E LIBRIT**”.

Neni 5

Në nenin 8 bëhen shtesat dhe ndryshimet si më poshtë:

1. Shtohet titulli i nenit me këtë përmbajtje: “*Këshilli Kombëtar i Librit dhe i Nxitjes së Leximit*”

Neni 6

Pas nenit 8 shtohen neni 8/1 me përmbajtje si më poshtë:

1. Qendra Kombëtare e Librit dhe Leximit, krijohet dhe funksionon si person juridik publik, buxhetor, me statusin e institucionit qendror, në varësi të Ministrisë përgjegjëse për librin.
2. Mënyra e organizimit dhe funksionimit të Qendrës Kombëtare të Librit dhe Leximit, do të përcaktohet me vendim të Këshilli të Ministrave

Neni 7

Në nenin 9 bëhen ndryshimet si më poshtë:

1. Në paragrafin 1, togfjalëshi “*zhvillimin e industrisë*” zëvendësohet me fjalën “*veprimtarisë*”.
2. Në paragrafin 2, fjala “*takimeve*”, zëvendësohet me togfjalëshin “*veprimtarive në fushën e librit*”.

Neni 8

Neni 10 ndryshohet si më poshtë:

“Neni 10

Përbërja e Këshillit Kombëtar të Librit dhe i Nxitjes së Leximit

1. *Këshilli Kombëtar i Librit dhe i Nxitjes së Leximit kryesohet nga Ministri përgjegjës për librin.*
2. *Anëtarët e KKLNL-së janë:*
 - a) *Drejtori i Qendrës Kombëtare të Librit dhe Leximit.*
 - b) *Drejtori i Bibliotekës Kombëtare.*
 - c) *Kryetarët e shoqatave të botuesve shqiptarë.*
 - ç) *Përgjegjësi i Departamentit të Letërsisë në Universitetin e Tiranës.*
 - d) *Përfaqësuesi i Ministrisë së Arsimit dhe Sportit.*
- dh) *3 (tre) anëtarë të tjerë, personalitete të njohura të fushës, që caktohen nga Ministri përgjegjës për politikën e librit dhe leximit, për një periudhë 4-vjeçare.*
3. *Në mbledhjen e KKLNL-së ftohen të marrin pjesë drejtues të Ministrisë përgjegjëse për politikën e librit dhe leximit, përgjegjës për çështjet e librit dhe me kërkesë të Ministrit, edhe përfaqësues të ministrive dhe institucioneve qendrore, në varësi të çështjeve objekt diskutimi.*

Neni 9

Neni 11 ndryshohet si më poshtë:

“Neni 11

Mënyra e funksionimit të KKLNL-së

1. *“Mënyra e funksionimit dhe organizmit të KKLNL-së përcaktohet me urdhër të Ministrit përgjegjës për politikën e librit dhe leximit.*
2. *“Qendra Kombëtare e Librit dhe Leximit shërben si sekretari tekniko-administrativ në mbledhjet e KKLNL-së.”*”

Neni 10

Neni 12 shfuqizohet.

Neni 11

Në pikën 5 të nenit 15 , pas fjalëve “...duke financuar” hiqen fjalët “nga Fondi Kombëtar i Librit...”.

Neni 12

Në nenin 16 togfjalëshi “*Ministria e Turizmit, Kulturës, Rinisë dhe Sporteve...*” zëvendësohet me togfjalëshin “*Qendra Kombëtare e Librit dhe Leximit...*”.

Neni 13

Pas nenit 16 shtohet neni 16/1 me përmbajtje si më poshtë:

Neni 16/1

Ndërgjegjësimi publik për leximin dhe promovimin e librit

“Radiotelevizioni Publik Shqiptar transmeton çdo muaj programe për përhapjen e krijimtarisë letrare dhe nxitjen e kulturës së leximit të librit dhe produkteve të përafërta me të, në përputhje me ligjin për mediat audiovizive në Republikën e Shqipërisë.

Këto programe edukative kanë një kohëzgjatje në total prej 90 minutash dhe transmetohen nga ora 8.00 deri në orën 22.00. Një prej këtyre programeve, me kohëzgjatje prej 30 minutash, transmetohet detyrimisht nga ora 14.00 deri në orën 21.00. Për qëllim të këtij neni, Qendra Kombëtare e Librit dhe Leximit në bashkëpunim me subjektet e interesuara, harton çdo muaj një kalendar programesh dhe aktiviteteve për përcjelljen e tyre tek publiku, me qëllim rritjen e informimit dhe ndërgjegjësimin publik në fushën e librit në Republikën e Shqipërisë.”.

Neni 14

Në nenin 17, shtohet pika 3 me këtë përmbajtje “*Blerja e librit në kuptim të këtij neni nuk i nënshtrohet procedurave të prokurimit publik.*”

Neni 15

Pas nenit 18 shtohet neni 18/1 me përmbajtje si më poshtë:

“Neni 18/1

Furnizimi i shërbimeve të shtypshkronjave, shtëpive botuese, dhe materialet e ofruara në formën tradicionale dhe çdo formë tjetër elektronike të librit, pavarësisht përmbajtjes së tij, që mund të lexohet nëpërmjet pajisjeve të tjera ndihmëse përfshirë edhe platformat elektronike (e-libri), përjashtohet nga Tatimi mbi Vlerën e Shtuar.

Neni 16

Në nenin 19 bëhen shtesat dhe ndryshimet si më poshtë:

1. Në pikën 1, togfjalëshi “...Ministrisë së Turizmit, Kulturës, Rinisë dhe Sporteve...” zëvendësohet me togfjalëshin “...Qendrës Kombëtare të Librit dhe Leximit...”.
2. Në pikën 2, togfjalëshi “...Ministrinë e Turizmit, Kulturës, Rinisë dhe Sporteve,...” zëvendësohet me togfjalëshin “...pranë Qendrës Kombëtare të Librit dhe Leximit....”.

Neni 17

Në nenin 21, bëhen shtesat si më poshtë:

1. Pas gërmës “f” shtohet gërma “g” me përmbajtje si më poshtë:
“g) “...tirazhi (numri i kopjeve)...”.
2. Pas gërmës d, shtohet gërma “dh” me këtë përmbajtje si më poshtë:
“dh) numri i punonjësve të punësuar dhe niveli i arsimimit të tyre.”.

Neni 18

Në nenin 28 pas fjalës “...Agjencie,...” shtohet togfjalëshi “përfaqësuar nga Titullari i Institucionit pranë së cilës ajo funksionon/Personi i autorizuar prej tij,...”.

Neni 19

Në nenin 29 hiqen fjalët “...ose me...”

Neni 20

Në nenin 41 pas fjalëve “...në Bibliotekën Kombëtare” shtohet fjalët “...dhe në bibliotekat publike pranë njësive administrative vendore, ku ushtrojnë veprimtarinë.”

Neni 21

Neni 42 ndryshohet si më poshtë:

Neni 42

1. Të gjithë botuesit, entet botuese dhe mjetet e informimit publik, shtetërore ose private, që ushtrojnë veprimtari në Republikën e Shqipërisë, detyrohen të dorëzojnë, pa shpërblim, në

Bibliotekën Kombëtare, nga 3 (tri) kopje për çdo botim. Për tekstet shkollore ata detyrohen të dorëzojnë 3(tri) kopje për çdo botim të parë, dhe 2 (dy) për ribotimin, duke paguar edhe tarifën e shërbimit postar, kur është i nevojshëm”.

2. Të gjithë botuesit, entet botuese dhe mjetet e informimit publik, shtetërore ose private, që ushtrojnë veprimtari në Republikën e Shqipërisë, detyrohen të dorëzojnë, pa shpërblim në bibliotekat publike pranë njësive vendore, ku ushtrojnë veprimtarinë, 2 (dy) kopje për çdo botim, duke paguar edhe tarifën e shërbimit postar, kur është i nevojshëm.

Neni 22

Në nenin 48 bëhen ndryshimet e si më poshtë:

Në gjurmën d, të pikës 1, togfjalëshi “...nr. 9380, datë 28.4.2005 “Për të drejtat e autorit dhe të drejtat e tjera të lidhura me të...” zëvendësohet me togfjalëshin “...nr. 35/2016, datë 31.03.2016 “Për të drejtat e autorit dhe të drejtat e tjera të lidhura me to...”.

Neni 23

Pas pikës 2, të nenin 49, shtohet pika 3 dhe 4, me përmbajtje si më poshtë:

“3. Në kuptim të nenit 18/1, të këtij ligji, ndryshimi i tatimit për vlerën e shtuar për furnizimin e shërbimeve të shtypshkronjave, shtëpive botuese dhe materialet e ofruara në formën tradicionale dhe cdo formë tjetër elektronike të librit, pavarësisht përmbajtjes së tij, që mund të lexohet nëpërmjet pajisjeve të tjera ndihmëse përfshirë edhe platformat elektronike (e-libri), do të zbatohet me hyrjen në fuqi të ndryshimeve të nevojshme në nenin 53, pika j, të ligjit nr. 92/2014 “Për Tatimin mbi Vlerën e Shtuar në Republikën e Shqipërisë”, i ndryshuar dhe nenit 46, të Udhëzimit të Ministrisë të Financave me nr. 6, 30.01.2015 “Për tatimin mbi vlerën e shtuar në Republikën e Shqipërisë.”.

4. Në kuptim të pikës 3, nenit 17, të këtij ligji, përjashtimi i blerjes së librit nga procedurat e prokurimit publik, do të bëhet pasi të hyjnë në fuqi ndryshimet e nevojshme në ligjin nr. 9643/2006 “Për Prokurimin Publik”, i ndryshuar.”

Neni 24

Në të gjithë përmbajtjen e ligjit togfjalëshat “Ministri i Turizmit, Kulturës, Rinisë dhe Sporteve...” dhe “Ministria e Turizmit, Kulturës, Rinisë dhe Sporteve” zëvendësohen me

togfjalëshat “*Ministri përgjegjës për politikën e librit dhe leximit*” dhe “*Ministria përgjegjëse për politikën e librit dhe leximit*”.

Neni 25

Ky ligj hyn në fuqi 15 ditë pas botimit në Fletoren Zyrtare.

KRYETARI
GRAMOZ RUÇI